

四庫全書

集部

欽定四庫全書

集部

御製詩三集卷四十三

詳校官侍郎臣謝墉

助教臣常循覆勘

總校官原任中允臣王燕緒

校對官學正臣卜維吉

謄錄監生臣袁瑩

欽定四庫全書

御製詩三集卷四十三

古今體八十首

乙酉一

乙酉元旦

歲時月吉慶三元青陸祥光燭紫垣必世若稱王道始
後仁惟愧魯論言朝正敬受萬方賀迓祉顯祈五穀蕃
家宴乾清歌具爾天潢奕葉衍長源

元旦試筆

順斗鴻龍又穀旋

蒼靈新社錫敷天丕基敬繼

五朝業大寶欽登三十年益慎盈持將泰保敢踈夕惕

與朝乾乞漿得酒惟農諺

農諺歲逢中酉乞漿得酒中年豐酉年必豐云

酉熟

申堅願稔連

曉瞻三素麗璇霄元祚虔求玉燭調喜爆聲霆壑穴聽
祥靈積地簸鍾消宮梅得氣芳舒萼苑柳迎春嫩擺條
萬里伊犁喀什噶面東胥賀紫宸朝

題和闐玉椀

潛確已稱中國少和闐真是異珍多春秋陳貢來包匭

杯椀相

去聲

材命琢磨西旅却殊時致獻

昔年準噶爾台吉回部和卓木

雖屢貢玉椀不比此拓和闐為我屬春秋貢玉如內地任土作貢也

水精寧得與同科不

斟白酒浮香茗延喜彤闈受福那

降旨免江浙積欠詩以誌事

有序

供輸維正租庸恒甲於南邦澤沛非常蠲復早申

於北闕循三載一巡之盛事計籍加詳佈元辰二

日之恩言郵傳倍速咨彼額徵未足覲延不乏齊
民軫茲尾欠猶懸被歎寧無下戶縱比年頻致十
千之取而為數尚踰百萬而贏餉疆吏以陳書清
問每勤夫側席勅度支而奏課宣條毋靳乎持籌
庶幾澤斯飛鴻白屋三時歌鼓腹抑且村閒吠犬
青旗一路樂遨頭云爾

曰休曰助重時巡嗟爾司農聽絳綸百姓已皆注耳目
三年又復有逋陳持籌漫計贏巨萬投匱都教豁窶貧

仍慮十行或遺畧屆期應更細咨詢

題錢陳羣進伊祖瑞徵所篆瑞日祥雲和風甘雨

章

迎春帖子進南方先以家藏古篆章瑞日祥雲兆歲美
和風甘雨卜農慶休徵敢謂時斯應善頌還嘉規不忘
願共吾民沐新社春祺嘽嘽萃方昌

盛懋映雪讀書圖

交遊不祿樂家貧映雪觀書造意新自是稜稜志清介

何須類舉負薪人

楊榮識語並舉買臣負薪圖子以為映雪讀書自是高致非負薪者可比

失去固

恰當耳

降旨加賑甘肅去歲被災州縣詩以誌事

新正將南巡頒諭豁逋賦江浙人則幸他亦予民庶弗
被災或可被災深慮甘肅昨夏旱申命已周助正供
早與豁恤民何礙屢加賑宣恩綸極次計月付推行在
有司其善實惠佈

唐寅會琴圖即用其韻

露坐橫陳膝上琴愛披秀木有佳陰不知袖手對聽者
可識高山流水心

題和闐漢玉蓑笠漁翁

漢玉者非必炎劉時物其土浸璘璣古色穆然者
皆可謂之漢此玉有之相其材命工稍加琢磨為
蓑笠漁翁而繫之詠

詎必炎劉始足珍幾千年出玉河濱鷗鳬久是忘機侶
蓑笠曾非把釣倫弗受雕鐫存樸古豈資燒染自玢璣

史編中問斯人傳不在清河在富春

新正重華宮

歲值木奮軋月得土長養

正月建戌寅

酉秀成熟兆寅津綸

達廣迎禧始重華注心遍九壤瓦陰雪迷離簷陽曦炯
晃勝椒煥黻屏仙木扶鏤幌新年語吉祥寰海籲豐穰
降旨加賑湖北去歲被水四縣

萬方豐歉一心存酌劑寧教靳德言被水雖云僅四縣
望賙亦厯有黎元旬宣涖爾頒錢穀老幼俾其獲飽溫

豈省實多報歉少慶斯即是沐

天恩

題周臣村莊農慶圖

山莊無別事惟是祝年豐
納稼村村急高田戶戶同
社常接雞犬鄰不遠西東
相聚農桑話于于太古風

新月

元正越二日太昊啓節昌行慶際芳辰太來延千祥舉
首見新月一鉤垂天潢盈虛固其恒新年迴異常依依

最有情溶溶已流光值閏以為佳春况百二長舒輝盼
上元凝和麗青陽却笑九華枝燭火言蒙莊

漢王穀壁

粟粒平擎若自然保光韞采謝雕鐫楚州底論第三寶
喜在嘉生兆有年

新正重華宮侍

皇太后宴

西望瑤池降

鳳輿新正佳社萃彤廬千春進爵期無射

萬壽如山願有餘寶鴨篆凝噴瑞栢金雞燄踏燦祥藁
昇平漫議過華衍今歲承

歡此復初

和閨王觀梅仙圖

等度和聞玉觀梅琢作圖人將花總似艱辨指芳通

題李贊華射鹿圖

東丹避嗣主越海昔奔唐偶作射鹿圖縵胡猶舊裝改

姓事他國迴心憶故鄉雖無遂鹿志熟處亦未忘遠愧
吳泰伯近輸漢高皇

詠周片雲戚

杖黃曾紀武劑白亦標文舞自稱西樂形猶肖片雲穆
然斐古色鏗爾振嘉聞義取和安樂翰筵伴淨芬

新正瀛臺

問

安之便出西華咫尺南臺路不賒纔隔旬餘新歲是怡

欣春曉景祺嘉篆凝瑞靄
猊噴霧爆響平安樹綴葩
迎節綵檠惟卜晝幾曾宮
蠟照紅紗

寶月樓

液池南岸有高樓寶月佳
名題上頭正望元宵生玉
魄堪憑春色始皇州綵屏
吉語農祥籲香扈恒銘民
莫求保泰深心端在此敢
因韶節恣歡遊

淑清院

春將淑矣石泉清峭蒨之
間小暢情却是喬松無改
度

濤傳上古以來聲

題涵春室

春節雖遲日

是月十四日始立春

春意遞新年雪積祥玉花爆騰

瑞靄煙宮城近六街市語何喧聞昨歲幸遇豐物價平
於前婚嫁率乘時景象熙京塵可遽云返樸通經貴達
權

豐澤園

鏡面輾冰牀須臾駐岸旁春園攬豐澤農畝卜初祥庭

有松筠趣筵多翰墨香東郊將傳耜物意遍韶光

虛白室

怪石浮筠羅幾層書窓清擬玉壺冰漫言虛室繞方丈
大地韶熙箇裏凝

方從義松巖談道用圖間孫琰題句韻

無地樓臨有頂松金題玉躋啟緘封由來可道非常道
茅狗難希騎二龍

和聞玉牛再疊前韻

愛牛緣何緣愛耕耒耜之利資爾能和闐玉子牛其形
稍加琢治如年鳴造石非同拖五丁聚道乃全擬大牲
陳蕃無計可芟羹興鋤解甲天衢亨任土作貢無別營
亦弗敢謂我武成漫因新舊評監青

普靜禪林瞻禮有述

禪林鬱律鳳城北辛卯

順治

初成甲戌

康熙

脩六十餘年事

重葺百千奕葉仰

前猷無非

保赤右扇念有集衣黃偏袒流親詣辦香昭慶落七言

聊當

去聲

誌碑留

題方琮山水

茅店婪年讌石橋招客遊紅桃經雨潤綠柳受風柔
谷口雲猶吐溪頭水已浮木蘭待碣岸將泛問春舟

右春景

梧葉高樓上蕉芽曲逕邊愛涼仍捲幔滌暑或觀泉
蕉憩不遠斧漁迴那用船千林綠猶重其意已蕭然

右秋景

同豫軒

新舊萃藩封三接不可缺賚與宴並行所以聯情悅涓
休月之六嘉饗答韶節同豫此臨憩紫光

閣名賜宴之所

待整

設軒墀既靜佳甌研亦清潔羲經在棊儿玩象觀辭說
雷出地奮輒撫辰敬斯切

賓竹室口號

收雪將來竹埭培綠瓊枝覆白瑤堆笑非京洛程家宅

却得游楊砌下陪

韻古堂

古鐘自何來來自西江涖列簾以十二題名義由起行
令歲之首太簇入律始育物叶轆達對時欽天紀却懷
尊廬初詎有軒堂此

千尺雪

積餘雪色在山陰落下銀淙雪有音拍日寒山聽雪閣
異同此雪費推尋

茗甌竹鼎伴清嘉七字剛成趣亦賒
綵勝銀鐙聚無設
室中宜樸不宜華

年前三白佈祥雲掩映軒櫺倍覺清
若問予心喜所託
率因真澤匪虛名

紫光閣曲宴外藩並回部詩以誌事

值歲外藩入覲顏新增伯克序年班
四方來賀誠非易
三接推恩未可刪
筐篚兩廂頒等第
魚龍百戲鬪斑斕
西師繪壁思羣力
敢曰折衝尊俎間

題文徵明松堂吟賞小軸

結宇茨荒草，向蒼依老松。
延將幽籟颯，覆處翠陰濃。
芸簡堪娛目，茶甌藉洗胸。
箇中尋獨樂，不擬客來逢。

人日瓊華島

人日登臨古所傳，靈辰迓祉慶初年。
祇宜佳處賞松竹，倒是今朝禁管絃。
是日逢國忌，例不舉樂。雪積樹根堆喜色，春融

峯角蔚祥煙。輕陰設復霏時玉，駢慰東郊利麥田。

悅心殿

卷四十三
曉日上窓溫匡牀小憩存癖詩忽隔歲嵐畫又迎軒攀
陟寧宜亟詩書悅可敷此中覓消息至矣子輿言

嵌巖室

瓊島分明是假山年深喬木鎖孱顏依巖書室含蔥峭
疑在富春大嶺間

鏡清齋

冰牀原輟鏡中來據榻迴看鏡面開自有一方呈照鑒
本無半點惹塵埃延虛恰喜攔邊竹入影猶疑在裏梅

收得臘前雪盈盃三清便與試茶杯

看畫廊

迴廊宛轉倚崎嶇畫意隨時觸目輸簷拂松篁屏貼勝
今來看是歲朝圖

題韻琴齋

鏡浦雖汨凝流泉故不凍泠泠常作聲已覺春溫貢齋
傍竹特茂清籟和去聲吟鳳響應有相投底藉八音衆寄
意笑柴桑無絃猶撫弄

抱素書屋

倚山繞曲池面勢雅稱宜
棟不飾金碧窓常納秀奇
登臨初歲景蘊釀好春時
繪事如相擬惟商可語詩

畫舫齋

池上為齋擬舫同那資挂楫與筠蓬
三餘凍結練非疊
一例光含鏡自空
亦可開窓試延月
奚勞落席慮驚風
虛舟取喻原無繫
數典何須定米翁

古柯庭

窗外延來壽木賓將迎不待有精神漫言枝葉行條鬯
此老那知故與新

詠哥窑瓷枕

瓷枕出何代哥哥類董窑金絲鋪行藻鐵足節簌秋文
並拊榴重珍非翡翠澆贈宜漆園吏夢蝶恣逍遙

沈周玉蘭芝朶

芝朶丹黃蘭葉青石邊木筆燦亭亭畫家大有伊人念
規寫無非謝氏庭

重華宮曲宴內廷大學士翰林等雪象聯句並成

二律

上元後日例燈筵今歲涓良啓翠旂曲宴重華堪數典
聯吟雪象重去聲題箋誠敦君鑒復臣鑒豐祝申年繼酉
年小部梨園非水調細聽原是徵招絃

布茵東辟共歌賡愷樂韶年百福迎何必鸞觴浮六醴

仍教鳧鼎淪三清

茶名重華宮曲宴用盒果杯茗不賜酒率成例事

圖觀寶笈

旋因賜

是日陳石渠寶笈觀之遂分賜諸臣

果飮蘭珍侑以行穀日晴和

占歲美殷殷同此額農情

雪象聯句

有序

穰兆重金穌迎三白收穰葩於朵殿玉戲旁羅肖
巨骼於閣城樞精上應森承趺而挺柱香積普賢
座下之華亘擁鼻以迴鈎氣吞盤况山中之粟爾
乃朝正伊始典數熙春審覲聿臻光觀晉晝活脫
寧煩翦纈擬貢輸則潔過紈牛胚渾漫許登枰方
賓薦則莊逾鹽虎訝蹴部誰矜昆戰燧尾辛銷蔥

嶺之烽疑安驅自佐歷耕駕肩宜佈榆關之穀舉
似黃門左仗程品料以心降將期丹輅南轅竚儀
鏗而色喜然此皆功歸

德産意慥

天倪仿一雙獅子能馴礪礪蹲時尚遲見覲參八百龍
公善舞蹕蹕感處猶趁回風聊標鹿苑幻形臘後
手搏稱得氣載課免園妍唱年前頭踏擅如神七
言韻叶長申六匝巡環周甲庶釳砌素雲永護範

模元化匪無為惟瑤樽白獸齊開刻畫太平真有

取

御製

重華文會列長茵三白欣逢先早春瑞兆崢嶸看有

象

嘉徵和暢紀宜人表逾尋尺綏豐叶慶洽埏埴

至道臻百穀含精剛協日

臣傳恒

九華迓節普同民西山

積素嘗抽扎東陸開韶憶集紳

西山積雪立春日雪並蒙名集

聯體仿狻猊

舊有雪獅聯句

聯綺序

臣劉統勲

輝餘鵠鵲撰芳

晨典胥想像來重譯鑄物分明出泰鈞曲直從心

奇更合

臣阿
里衮

方圓就範妙能因執雕底假中黃試

貫棒寧煩壺涿循格肖迦那魚十二

臣陳
宏謀

御製

輪隨阿耨轉由旬收培玉樹多仍積裝守銅扉對得

倫氣結瑤光接華澤

班崇國簿翊

楓宸七輦那倩縻珠絡三沐無勞澡玉津鑿鼓徒傳鳴

谷應

臣舒
赫德

蹬梯特遣立山鄰消炎竟使誇南粵不

動疇憎搏大秦倍蓰腰圍堆擁腫

臣阿桂

跼跼骨相

削嶙峋刻舟智漫矜江表化石蹤非效洛濱吞失

靈蛇知效氣

臣于敏中

穴空黠鼠少潛蹤魁梧皓質高

難俯磊砢瓌姿伏待伸炫采襲環紵組綬

臣彭啟豐

御製飛花承輅溯椎輪懸瓠慢擬驚鷺鳴林邑何妨侶鳳

麟比色堦糖甘却勝

揣枝織竹潤尤珍耳偏簸哆寒猶躡尾亦錐銛燧

不瞋垂鼻彎弧纖拾芥

臣張泰開

慘牙比擲燦鎔銀輝

煌寶鼎行堪負詆蕩

天間路可遵輒點霜苔膚合香

臣表曰修

圓擎氷柱足鞿困

洗經香海原同水現到峩峩詎染塵乳孕記時連

稔歲

臣錢汝誠

拜儀率舞際元辰鼇凝懸圃三番冠豹

澤中條七日純座護莊嚴閑且佶

臣王際華

御製園開喜樂幻芳真爰教吳匠相搏掬不藉蠻奴自擾

馴形大由來其性順

寶滋果爾厥功均靈飄界閱三千遍鬢覆毫瞻丈

六親檻映蒼虬騰蜿蜒

臣觀保

門排金馬峙瑠璘仙

驂輒緬王喬駕吉夢俄徵張茂詢餅餌規模誰擅

鏤

臣蔣搢

砮粧點莫論珉團將菌蠢要綦佩掃盡

蒙厖薦氎巾綴璐綵綵鮮並挹

臣寶光

撒鹽瑟瑟細

齊鉞蹲其虛几疑生嘯矯若之而欲作鱗以節綦

調奚尚累

臣奉寬

御製

於圖審鑒匪專甄截流解徹法王味砌葉全標青女

神狀似雪山遊本慣

步須淨土力曾掄教傳西竺芬霏粟美釋南方富

儻珣笑說膽長依月注

臣金姓

詫聞齟每感雷新制

緣不律然乎否劇向昆吾展也洵河渡恒沙無箕

數

臣陳兆崙

雲耕鉅野未磨磷瞥驚照夜奇毛刷奈許

燃犀詭貌振摸喻杵箕伊所扣

臣汪廷興

遇成珪辟孰

斯甄皚皚勢壓駝封聳的的光瑩睇目眴大客居

然相突兀

臣倪承寬

御製鈍公母乃太逡巡江淹難賦瓊為樹子產休訾齒害

身何必荆山誇悉放

還如訶國驗駢陳越裳白雉歸彰

化靈囿騶虞育逮

仁觀琬昭文誠中度

臣劉
星煒

載瑜譜樂正來賓昇平進頌

諧星琯

慶惠乘陽啓鳳闈木盛占年符奮乙

臣盧
文昭

金穰涓日佇

祈辛坐聆宮漏移花緩飲饌衢尊浥露醇燠沐餘冬常

盎盎

臣謝
塘

棣通肇閨總礪礪題拈先霰環墀城箋

通番風颺秧板樂以

泰交垂在甲

臣汪永錫

御製撫茲豫順凜惟寅政頒魏闕朝儀飾澤被

公田

天貺申一德賡歌欽慎憲對時掬管豈云頻

沈周溪橋樹影即用其韻

填填扶筇過小橋不巾一任髮飄蕭清溪入影曾無愧

太古論風定豈遙

白鷹詩

喀爾喀貝勒阿玉爾所進

鷺鳥白其色由來稱吉徵班郎賦昔雉竇牧獻今鷹素
羽常馴熟雄心泯掣騰北藩茲世僕休擬越裳曾

正月十一日延春閣恭奉

皇太后觀燈即事

年年御苑

賞花缸茲近南巡啓蹕幢節卜齋前迎

鳳馭

以明日始值祈穀大齋云

月先望夕麗天扛蘭珍百品羅瓊

几華燭千行照綺窓高閣延春春信遞駢供

慈豫堪祺龐

題唐寅溪山八景冊

蕉窓道話

蕉軸窓前綠展雲夜齋不雨靜無絲高人對坐分明話
那許人間以耳聞

武陵桃浪

刺蒲綠貼落桃紅波面輕翻錦繡風好是源中繪春色
何曾洞口引漁翁

江山漁隱

亦有成名亦隱淪千秋一例把竿綸輕儵無語應含笑
人不釣魚魚釣人

懸崖噴瀑

飛落銀龍擘峽開雷為聲吼雪為皚科頭望者應懷想
想彼源從何處來

楓林坐愛

幾點楓林綴復飛飄然衫袖坐忘歸
邊傍縱未巾車置何礙神傳杜紫薇

水邊吟興

丹楓綠竹間枯枝一段湘江秋晚時
謂是伊人偶爲畫誰知有客藉成詩

萬木號風

喬木低筠護矮垣悠然天籟靜中喧
空山寂歷茅簷下

齊物從教悟漆園

柳州詩意

桃花菴裏閒揮筆殿以孤舟釣雪溪內翰拈吟各抒興

薄家獨藉董家題

冊中題者自陳元龍以下八人皆康熙年間內廷翰林對景拈毫各乘興

會獨薄海所題宿雨初收曉煙未泮云云乃直寫董其昌語以當題識彼文筆故不如上諸人所謂欲蓋彌彰及之

題和闐玉煉藥仙人圖

鍊玉居然玉作人丹鑪獨對守庚申騰騰兀坐非無謂

僕僕忘機自有神澗谷曲圍水宛轉洞門半掩石嶙峋

中山李預真癡者枉向藍田覓問津

魏書李預每羨古人餐玉之法乃採

訪藍田掘得若環辟祿器形者推七十枚為屑日服食之預鄙固不足論藍田即有玉亦豈未經琢磨而有環辟之形記載家務奇可笑若此

祈穀齋居

民所重惟食聖所慎惟齋

祈穀將大祀遷座欽銅牌五味舉用淡

蔥韭類不用

八音徹

克詣清夜省厥成韶春迓欲來濃雲韜月光復雪當益

佳

題宋宣和梨花鳧雀

橫斜雪朶不勝春
雀立花枝鳧水濱
位置高卑皆恰當
如何獨是昧知人

和閨玉觀瀑圖

雪瀑掛峻嶒
幽人對坐憑目隨
落斜底心溯最高層
本

是山輝質真看玉潤
能名家唐沈輩

唐寅沈周皆
有觀瀑圖

點筆

笑何曾

乙酉春帖子

龍鱗迤鸞路指日向東南明庶風迎面今朝春澤覃

太昊新司節鴻禧乃大來馮生欣萬物即即復磴磴

歲德已逢卜留熟日干又慶叶金穰願綏新歲如舊歲

昨歲各省多逢
稔直隸尤佳

庶致民康與物康

詣齋宮作

青陽初入律玉輦正迎春

是日立春

今歲節方始明朝

祀用辛萬民

祈稼穡一室必精神
曦影輝窓紙欣披淑氣間

祈穀禮成述事

鄉牛光燭繚垣紅
蒼璧欽升

帝座崇昨日立春今日

祭次辛丑歲上辛同望來朔旦剛全照

是日上元節

酉繼申

年願屢豐三十度親承

大禮為民

祈不為微躬

上元燈詞八首

皇都元夜信皇都九陌煙花共衆娛
綵麗神霄懸玉鏡
瑞凝璇宇席羅圖

昨朝東陸迎春至今日

南郊迓福來新舊藩臣集闕下
鐙筵應許共追陪

歲歲觀鐙例御園今年緣近啓巡轅
玉樓金殿重重朗
饒得宮中度上元

銀花作隊紛垂架火樹成行煥煥楹
何必千門賜酺樂

行時中每凜持盈

挈壺初報酉時牌炬綢鐙輪一霎排翠火結成萬壽字
愜心益算祝

思齋

恒春玉藥焚霏雨不夜祥煙濃疊霞最是團圓初度夕
翹瞻寶靄上東華

景運門前接箭亭重開寶扇列燈屏

丙寅年亦曾於宮中度元宵蓋彼時

以孝賢皇后將有弄璋之慶逮今垂二十年吉噩喜戚均成夢幻觸景迴思不能無憶

廿年往事

何堪憶電火流陰信不停

祥花倏見金蓮湧吉語明占玉燭調清蹕來朝猶節夜
承

歡更復賞煙郊

御製詩三集卷四十三

欽定四庫全書

御製詩三集卷四十四

古今體七十八首

乙酉二

恭奉

皇太后南巡啓蹕三疊前韻

有序

留熟支開恰擘金穰之歲
隸通氣奏甫頒青陸之
春誦上元翼日良辰猶是
宜鐙宜月舉江國四巡
令典望均自東自南湖夫
展義陳詩賜酺給復進

壇吏則書登風俗羅黷宮而牒上俊英既不辭三
至以云勞寧或改一遊之為度顧惟於越勾吳之
壤厥號襟河帶海之區雖五壩示其節宣幸卜澄
瀾於紆轡而兩疊資為夾束期覘漲潭於候潮殷
懷將在此行遠計曰無非事矧黎獻扶筇之願切
尤

壽康掖

輦之

歡增撲室卻飛翬十笏明窓披月宇輕艘捐采鷁一桁
柔艣翦煙江七校點前班尚減傳餐之簿六曹遴
後扈纔充繞仗之儀匪高選勝乎山川彌軫疇咨
於民物對此韶光添九十東皇之閨律方中因之
清蹕紀三千南服之行編可冠

南邦初莅歲維辛依戀常牽澤國倫三載忽如過影隙

當春仍此卜時巡預教減從

去聲

事從

平聲

簡

命一應扈從人員均較上

屆減派仍由該衙門核定奏聞

諄戒增華命屢申度節尚隨朝節客

時蒙

古王公暨西域輪班入覲朝正在都並移
上元節宴就送駕之次令其預坐遣還

近光先有覲

光民一清寧止徵求寡千里何須兵衛陳日日

大安承

喜色恢恢四海共熙春念周黜赤愛如舊興助江山句
亦新却是靜中時自省得無觀采畧嫌頻

過盧溝橋

通閨遲節候河水尚未開徑行誰病涉

冰上行人往來
竟似不知有河

隄防去聲似虛堆

兩隄上積土成堆
蓋夏秋以備不虞

因悟乘時要難言永

定該遙源溯代地西北萬山崔

長新店

村亘五里盧溝濱盧舍比櫛復次鱗借問往來投店者
幾不勞勞名利人墟里蓋藏真覺好幸值去年登萬寶
紅聯貼戶竿豎鐙長新即此長安道一二老人衣黃衣
欣於所遇顧賜之向南日日數增倍侍衛行賜將或遺
遠惟有望近不厭述聖名言可味思

良鄉行宮恭奉

皇太后觀煙火

駐惟初頃節翼日慶慶承

歡養萬方合設鐙花酬景令所欣

食履正康強却看月隱勝月現

是日同雲密布大有雪意

欲笑廣陵

輸廣陽入夕同雲將釀雪連阡麥隴願敷祥

良鄉行宮三疊舊韻

初頃常教依北闕長途復此指東江門前煙火同觀罷
却喜盆梅伴燭窓

南巡四度不言勞
詎為江山事一遨
察吏要因悲民隱
舉賢寧止拔文豪

壬午春當蹕旋際
為民迴顧頗牽情
三年緩決巡鑒出
欲蒼蒼黎盼幸誠

立春越日駕巡南
梅信緣寒想未酣
遙憶孤山放鶴處
也留芳朵待吟探

向來觀梅至蘇已覺爛漫今歲春
遲且逢閏月至杭或尚可觀梅也

郊臺

庚辰曾是勞旋師叩

貺臺陳得勝旗自此西瀛盡來賀每循南路引餘思固
資衆力成勲績實藉元戎善指麾享澤何期騎箕尾

協辦

大學士一等武毅謀勇公兆惠以去歲冬至月患
病溘逝雖親臨酌酒今經此地不禁迴憶生悲

不禁

觸境一生悲

弘恩寺

龍蔥翠蔭濃隨喜梵宮重庭有百年樹僧脩六度宗白
蓮持戒律黃蘗謝機鋒小坐遵前路聞徐煙外鐘

琉璃河

石橋千尺壓兩涯接以石路平不陂夏秋行潦每致渾
藉此無礙車馬馳前人妄為後人賴長城運河率有之
勝朝魏璫茲故里葆輿安坐達京師非官帑即勞民力
小脩所費尚不貲窶人子勢有如是奚怪朱家社不移

駐涿鹿行宮觀燈火

正月十七日

節度上元纔兩朝排當煙景聽羣僚

地方官稱已備不復罷之

共稱

墟里裹糧夕

百里外有裹糧來觀燈者亦與民同樂之意

況尚錢王買燭宵

一響千行燃火樹半空百道接星橋團團寶靄騰東海

上元雖度然正月以
是日為望月始圓 不負鐙前奏六么

涿鹿行五疊前韻

今日駐輦鄴州城明日啓駕遵南行倏忽一夜今成昨
荏苒來者今非明三年餘得桃花飽無去來今惟靜好
藉可喻四巡江東却是言實非譬巧人有來去日何尤
其間哀樂事已稠試看歷歷前題句幾纖毫分為恒留
所幸里民鮮菜色蓋因客歲逢稔收以此祈年益切切
謹身宵旰慎厥脩

樓桑村二首

漢室王孫志本雄，指桑條蓋誦諸童。
可憐不及春陵業，二世偏安祇蜀中。

豫州一旅得成軍，見說英雄獨使君。
千載杉榆猶故社，誰稱李定與周羣。

紫泉行宮賜隨營諸臣及直隸各官食

吉行五十里，非遙元夕通。
三尚節朝有暇，宮門臨賜食。
兩行茵席荅熙韶，歲收即是君臣福。
民樂多緣風雨調。

虔鞏居謙戒敬器欽哉自勛助羣僚

紫泉行宮十詠

敬軒

情知別館縣城南樸斲欣堪稅六驂
三架軒楹教豁敞為宜春色箇中含

屏山

數峯意亦足瀟湘畫法奚論米與黃
最喜當門無俗韻愛他本色是清防

鏡湖

淥水胥堪供鑒觀青銅試比有餘寬行臨江國休衡校
鶯脰菱絲祇一般

舫室

舫室閭閭臨鏡湖推篷煙水趣真殊箇中摘句吾原慣

消息先傳安福艫

南巡所
御舟名

梭亭

翦縛梭毛覆上層迺穿詰曲倚峻嶒靜觀設問誰堪比

一笠居然雲水僧

虹橋

宛轉橋欄俯渚汀
垂如蟬竦飲波形
武夷君若期相會
躡此知當到幔亭

魚罾

今歲春遲湖尚冰
何嘗倚岸置魚罾
有名無實翻成罾

去聲里革謹言憶讀曾

石筵

礧礧白石玉為堆曲迳重尋春日來躑步向深忽失笑
不由還覺愧澹臺

竹埭

誰把蒼筤護閣栽坐宜月入與風開何須艷舉江南好
一例虛心勁節材

箭廳

箭廳仍是倚溪涯衛士歸廬免候排臂病邇來稍廢此
信子慙處豈予佳

降旨免直隸山東經過州縣錢糧詩以誌事

新春頒旨惠江南

前此三次南巡屢謁上下江通賦昨詢之大吏以江南尚有因偏災緩貸

各項積至一百餘萬兩念皆無力輸將所致較每歲未完額微尤堪軫卹因於新正二日降旨槩予豁免以慰望幸而均慶惠輦路經應澤遍軍執役那無洒與掃正供胥免

十之三即看夾道相親切寧不真懷共苦甘更厯欠逋

詎金鮮

上聲傳宣方伯面詢探

賜直隸總督方觀承

梁戟依京國隼旗鎮冀門中丞近張鑒大尹昔王尊任

久民情悉心恒吏治敷幸我連稔後元氣復堪論

駐蹕趙北口即事禱詠

大隄迴望見雄城駐蹕燕南趙北營一宿已看分兩國
爾時政令若為行

春遲冰凍未全開近水程途喜不埃侍衛囊金例行賞
野翁依舊獻魚來

煙宮數字可停驂窓裏淀池萬頃涵點筆今朝別有託
愛他消息通江南

積封圍泥種麥圖未能一例禁西湖

西湖封田民多佔種向於南巡時規

知利弊隨勅大吏釐核禁將來毋許續增致礙宣節茲浚池內外淤地衍沃於薛麥尤宜民間墾藝滋廣若不示以限制恐日久有妨滴洩自當仿浙省之例飭禁亦在有司之經理得宜耳勤耕豈不資民

食所慮因循占水區

遠浦連冰一片白簇枝綴蕊萬星紅十三橋畔韶光嫩
假藉春鐙著意烘

春宵燕九例收鐙婪尾冰嬉試賞憑開罷夜深古月上
法王無盡示真乘

降旨命免直隸歷年逋賦詩以誌事

江南百萬豁逋租絜矩京畿此豈無多厯寧因少忽爾

項詢方觀承知直隸自乾隆十九年至二十六年未完緩徵各項計三萬有餘雖為數不及江南四十分之一而拮据輸納情自相同因降特旨蠲除俾問閭益資饒裕遠憐翻可近忘乎況當禾

稼連逢熟益使錙銖不藉呼庶俾問閭歌樂歲春風載道共民娛

燕九日趙北口行宮觀鐙火同扈蹕諸臣聯句

有

序

藥臨瀛海宜開不夜之城節踵皇都競說長春之
錄五日韶華正啓青郊方令布和車四巡清蹕重
經碧渚尚光凝凌鏡緬前度鑾行麗午永嬉剛值
上元厲今來典重

祈辛鐙宴恰留燕九時則雪融三白風遞初番歲暮吉
而漿酒占豐月華朗而汀洲含淨掖

鳳輦以申燕喜淀池即是西池曜龍燭以洽鳧歡澤國
何殊南國矧蒲海鴈臣歸近數程許暫扈勾陳乃

蘭衢驂豎迎駢一曲聽歌聯于薦記陌上買鐙甫
過景復餘妍看樹頭戲火徐烘漸原待泮望裏虹
橋入畫晞暉當析木之津數來鶴駕起塵駐景行
鍾離之派爰集從臣而專席仍依例事以賡篇珠
聯擬十二星辰六符更暎玉潤合三千風月五緯
全呈祝

釐緣日叶仙源崇觀白雲最喜舉頭生慶展義本時咨
民隱芳園紅杏漫重婪尾增華

御製婪鐙燕九猶嘉夜
恰值巡方駐渚宮
搦管聯吟堪數典

展軫有

詔重宣風黃圖謁若春園
煦繡甸佳裁氣鬱蔥
凌沼漾

晴漸的的

臣傅恒

麥畦含翠茁
凡凡三登留熟歡聲

洽六出含精

聞澤蒙祀粥尚沿膏泛白

臣阿里衮

買鐙還續蠟燒紅
望延

吳越瞻

天日踵繼燕齊祝華嵩鳳展九苞扶

翠輦

臣于敏中

御製雲垂五色護朱櫳

高年慮假登樓步

銓節宴賞例結綵樓奉樓上觀之茲恐於

高年登陟為

勞命改設平屋

平屋堪娛玩景瞳養

志承

歡敢弗臚

乘陽頌慶此云同燃來蓮蕊攢成錦種得芝田暖

欲烘水鏡朗懸層漢上

臣錢汝誠

玉蛾齊繞萬花叢潛

蛟室底千絲蠶飛鳥行邊百尺虹著地還騰紫匿

匝

臣王際華

曳霄不下挂玲瓏跗呈頃刻瓶罌裏節啓

歲蕤橐籥中線掣蜿蜒交列缺

臣蔣揚

御製鞭驅霹靂道靈靈竒蹤艷說邱仙伯誕日兼傳越國

公走馬擊毬城外盛

騫鸞訪錄羽流崇礎溪逸蹟徵時可嶠嶺仙源溯

大通方朔偶然游度索

臣雙慶

廣成竟爾在崆峒杖

龍影已寒池澈笙鶴聲猶夜月隴丹竈霞棲瓊觀

靜

臣全魁

珠幢雲擁碧臺穹萃元芸秘香餘篆太極

松蟠蓋自籠慶序京華傳覽揆

臣張若澄

御製熙韶瀛海緬飛翬共看趙北冰嬉麗似遞江南春信

融危蹕况隨諸伯克

款闕久致古筠沖錢鎔普爾新遵範布貢堯羅舊

織綢不比名王空質子

臣呂熾

於今絕域盡抒忠賣

刀已市千頭犢折矢仍韜八札子

豹尾幸陪知感切

臣孫灝

龍文榮綴荷

恩洪

湛湑普被天山北和盜纔迴渤海東濃粲笑花蕃且吉

臣申

甫

御製高轟喜爆熾方隆行時信可同民樂祈歲端因厯稿

功掩暎水村並佳致

訢閭澤國肇綏豐七真飈轡攜鍾呂兩浹星橋亘

鄧雄盤鯉獻常擎野叟

臣于敏中

篠簜舞更迂衙童

噴凍藻喧鳬鴨采絢蒼葭起鴈鴻響送蹋歌諧鼓

柶

臣錢汝誠

光回銜燭徹張罾漁賦浦遠輝晶皛蟹簪

林開炬奕熊幾點微茫粘曲岸

臣王際華

御製

半篝約畧照疎篷西汀火樹爭輝夕東壁銀輪漫輶

空未可忘言答韶節

雅宜即景繪熙工莊生見說魚知樂老子嘗論道

用盡故事記曾催擊鉢

臣蔣棫

新詩繼復許連筒榮

叨

給札霑優渥速愧傳箋訝遽忽雪後培滋如霽霖

臣雙慶

年前積素尚龍庭大田佇見耕人出萬寶從占廩

實充寒勒風條芽拆柳

臣全魁

御製閨添花信葉餘桐煙收此夕消金燄路指明朝策玉

驄排當

去聲

前途宣命罷

南巡向以銮節前啓蹕地方官例具火戲茲展於上元後一日

計至此已當燕九因預勅大吏前途不必復陳

即斯已覺歆吾衷

鄭州道中作

鄭州久省尚存名水郭人家漁且耕大抵治民戒滋擾
郭駝傳裏語尤明

夕

村名易思賢

舊名四善村壬午南巡駐此以地有漢太傅韓嬰祠因易今名

所思因授

經漢室重儒術遺學賴用明太傅興是邦津梁接後生
高臺今復起傳實原以名三年此南巡行館重駐停昨
日度燕九春郊已收鐙夕齋有餘暇閑後喜謚清簡編
亦在案迴憶當年橫注疏我未逮惟是勗躬行

思賢村行館疊舊作韻

常山太傅授經祠津逮於斯憩息宜汲古端知稽此要
經邦寧復藉他資自專韓氏惟傳易衆好去聲燕人尤述
詩不號行宮號行館愛伊樸簡契無為

河間道中詠古

獻王祠

班史諸王贊有云宴安煖毒迷前聞獻王好古事求是
大雅千秋祀不羣

簡子城

每思周舍歎千羊尹鐸終嘉壘晉陽趙附晉懷應在此
釣天賜筭失荒唐

扁鵲宅

越人舍客遇長桑謹事因之授禁方疾論桓侯應及蚤
秦醫何自不能防

亞夫城

營臨細柳識將軍霸上棘門兒戲羣取箸設非形鞅鞅

溫人善相亦徒云

董學村

三策原非時事疏醇儒惟董宣虛譽天人註盡春秋理
絲露翻嫌太鑿諸

閻邱臺

誣服公孫弩禁民巧言漢鼎得全身賜金伏法不旋踵
品行原工格五人

瀛州南樓五疊沈佺期韻

古郡仍木譙不見樓干霄藉問繇華地幾不歸淒寥瀛
州復經過和鈴鳴春飈緬彼盛唐代度此第三橋比肩
許宋近遊燕滕驪遙佺期仕武后朝給事中坐交張易之流驪州遇恩復官復因內宴歌
迴波詞以邀緋袍牙笏之賜其詩名雖著盛唐而諂媚希榮實為士林所鄙耳亦可安命分猶
然怨譁囂今讀迴波詞孰不鄙其謠

題毛公祠

博士始稱毛獻王慶際遭上承述卜子下接逮徐敖藉
以觀虞夏誰云祇粕糟古祠旁駐罕衍繹一焚膏

憶昔一首示直隸衆官

憶昔年過是郡甫經災沴民未蘇歷覽雖鮮鳩鵲狀
寧免飾觀經蹕途其歲夏秋復兩失調幕乏計惟增吁
蠲租賜賑不稽澤救急詎弗遺向隅

上天好生默旋轉癸未幸歌西成愉昨年夏秋更均穫
桑棉瓜菜皆豐腴策驄欣閱元氣復黃童白叟真懽娛
戶有崇墉村象美衣無須撿人面舒乃知補苴信何濟
力田豈似逢年乎因之逋賦槩豁免索俾閭閻追追呼

方伯有司日扈蹕此慶共銘汝與吾然宜抱愧何脩致
不宜志滿誇祥符

題馬遠四皓圖

遯跡商顏一例清不夷齊實弟和兄如何對奕長松下
勝負居然有鬪爭

河間道中憶獻王事有作

帝子當年好經學韓毛撰述闢紛囋至今畿輔稱多士
必屬河間文物邦

造次於儒儒好

去聲

醇山東俊秀益朋臻兔園笑彼梁王

武徒致鄒枚詞賦人

三雍五策善尊聞宜獎賢藩績學勤何事艱然難孝武
勉之翻用舉湯文

紅杏園四疊前韻

獻王昔好學竹簡論車輦招致道術人賢材率來館得
書獨稱多儒學因之顯古地闢今園春風又席展何事
消清暇摘詞興堪遣五詩四疊韻用以彰厥善

於景州行館作

地方官以

皇太后高年旃屋究不如瓦室之暖因建行館以備

憩息義重

溫清且事已成遂不峻拒東省頗亦有之然非朕本懷

故詩以誌愧

行營向所諳隨處足停驂如曰

高年養無過數字堪何來景歷歷且復屢眈眈覺適以

為惡惟清信可耽牙籤供古鑑紗牖納春含未得忘言
去言斯自識慙

景州行館八詠

展義齋

樸宇數楹臨駐時視事於此觀民展義意斯寓焉
新闢行齋駐罕旌由來不說事云成便教摘藻題展義
思義還因惕顧名

頤志堂

堂為恭奉

皇太后安憩之所叶時

溫清於

高年願養尤宜

四度南巡奉

聖慈撲堂溫清適相宜承

歡常仰

身康健大慰吾心乃在茲

通淶橋

板橋宛轉淶水斜通步屨往來儼然江鄉圖畫

一泓淶水也成溪屨步通橋雁齒低阿那隄楊雖未綠
柔條拂處已生稊

澹懷室

行館後為邃室幾餘靜寄因之澹泊明志深契澄
懷

溪畔軒庭一宿便琴書猶覺過清妍澹然對處懷澄照

寧祇方心似水焉

延月臺

平屋傍疊石為梯登之可揖東山之月時雖過望
意足千古

月與高人雅作陪於吾何有乃斯來石梯設以皇山擬

方構誠為米氏臺

米芾寶晉齋東有月臺而以上皇山
樵所告異石致其側茲臺疊磴玲瓏

亦以石勝應不啻

寶晉桐杉間耳

涵虛舫

池上舫室可居非水非陸而兼水陸之趣南華虛舟之喻足以當之

即室即舟臨水裔不浮不繫任天真今朝識得涵虛妙
凍浦雖風那漾淪

葆光洞

延廊窈窕間環以石洞雲根含潤髣髴有光

縵轉遊廊石洞穿趣含幽顯得天然何須僕僕尋丹藥
步此應逢元圃仙

四照亭

四柱翼然清景隨方可攬
會心咫尺政不必艷舉

西湖

蹕停過午恰餘閒
四面春光攬結間
雖不刻舟覓津逮

遄飛逸興亦孤山

孤山聖因寺行宮八景其一曰四照亭

過德州浮橋有作

漕河聯艇作輿梁
鞠脰迎鑾夾岸傍
何處黎民非赤子
那分彼界與斯疆
全無采色誠予喜
自有鴻恩副衆望

不數里遙莅行館撲齋書史足徜徉

五依

皇祖德州即事詩韻

轉輿指東陸紀序正春初省方將設教有舉必應書
百年

祖制昭七萃軍容肅不遊體以休曰豫凜恒煥

恭奉

皇太后觀煙火即事

早傳度節屈鐙收大吏偏稱備已周

蘇九已過不應再
陳鐙火而東省大

吏以時值春正節月入疆首頒迎

華祝

釐宜

申慶賞即遠近黎庶亦得共快就瞻

以彰同樂因所請

尚屬近理且供
具已周遂聽之

且是未過正月內更無來覩萬民稠春

郊合奉

思齋賞夕景何殊樂國遊星箭騰空數無萬增

齡都作海山籌

再疊畫梅筵頭詩韻

昔畫梅梢一今題詩句三見奇應在少香雪待東南

降旨免山東積欠詩以誌事

輸多欠少詎能無積少為多遂屢通江浙已胥需我澤
青齊忍聽向其隅率因災歉成陳負概與優蠲俾衆娛
昨崔應階來迎蹕詢知濟南各屬乾隆二十七年以前
因災緩貸各項積至十三萬有奇因降旨槩予豁免俾
民力益資充贍絜矩要從民所好為民父母意殷吾

賜山東巡撫崔應階

此地向旬宣撫安遂晉遷

崔應階先任東省藩司因繼
阿爾泰推撫本省奏辦荆山

橋一帶水利工程
頗見利民任事

理疆皆熟路涸淤為䟽川斯識勤農

要寧嘉供帳便前人芳軌在努力繼其賢

前撫阿爾泰
實心任事經

畫得宜應階守而
弗失是其所長

德州行宮再疊舊作韻

三年東國宛重莅幾宇行宮占首程
盆卉含胎方欲綻
庭柯圍拱已將成
展云靜覺蓮壺永
摘藻長看花炬榮
惟是黔黎所廕念
豈因今昔漫牽情

河南巡撫阿思哈來迎蹕問以豫省政務隨遣去
連疆來謁蹕前席細詢民去歲逢秋美經冬望雪頻雖

霑究非渥有澤不應屯日厓閭閻計何殊目覩親

御行營

規制方圓天地交

凡行營之制周廬外圍而布城內方朝家舊典取義甚精

谷陽遠

望見旗旛不勞構築得棟宇實便提攜歷旬郊邇室了
知勝行館土階更弗藉茨茅愛斯與我周旋久塞北江
南風月巢

填倉日作

御營廿五稅駢驂今日填倉度濟南麪餅月形團箇箇

韭芽春意綠
髮髮中心祇
祝茅簷宴一
飯常懷玉食
慙
大雅漫須嗤
俗節喜他名
義寓餘三

齊河縣行館作

晏子祠邊十畝居
春風初度駐鑾輿
雖然數字樸欣此
尚覺中人產厓予
地久自饒老松柏
幾間相伴古詩書
龍門合傳無須讀
比似伊周遠遜諸

題晏子祠

枕股寧稱見義為
委蛇以出賴工辭
史遷偏有執鞭慕

解贖應懷石父知

嘗謂莊公之事晏嬰成禮而出史遷比之見義而為
非正論也且晏嬰獨非齊卿乎既為卿雖不必以身
殉無道之君獨不當討為逆之臣耶乃游移其辭尚
自託於義而委蛇以退此寧可比於明哲保身之道
哉審如是則孔子之請討陳恒反為不當乎史遷無
卓識且毀譽背經者多矣茲因過祠詠古特申其義
至於執鞭之美益覺卑鄙蓋史遷悲己之陷罪無救

者耳而司馬貞素隱謂之好賢樂善後世熱中標榜者流率由斯道祇可鄙無可法也

麥色

麥色吐青微紐芽初茁
機看憐塵土翳為望雪花霏冷
釀心猶慮雨佳時又非
籌農展轉意不識竟何依

見山

北背太行隱南循廣甸
披甘朝無罨目清曉忽呈眉
望近行猶遠因高亦及卑
雲中青未了恰是杜家詩

閱本

部章過節郵傳至

每間兩日京中封奏一至過節開印則兼有閣部本章

秉燭擅

廬悉處分吏治民生慎幾勅法宮蹕路敢殊勤黜雖敗
類心先愧登得賢材意輒欣少讀魯論記提要曰難惟
是惕為君

御製詩三集卷四十四

欽定四庫全書

集部

御製詩三集卷四十五

詳校官侍郎臣謝墉

助教臣常循覆勘

總校官原任中允臣王燕緒

校對官學正臣卜維吉

謄錄監生臣袁瑩

欽定四庫全書

御製詩三集卷四十五

古今體九十五首 乙酉三

四依

皇祖南巡過濟南韻

四度濟南不入城
恐防一入百悲生
春三月昔分偏劇
十七年過恨未平
排遣閒情歷村野
殷勤正務祝寧盈
明朝便近方山駐
秀色遙看雲表橫

靈巖寺西入石路三用唐劉長卿韻二首

例必由西入石蹊
皴綠苔今朝暫彼宿
明日率斯回僧
自不他去佛原識
我來秦苻境已闢
唐李法重開梵貝
分筵演刹竿當戶
栽名泉試甘露漉
雪一浮杯

路遵道林石碑古
麓山苔

二語藥括
劉詩題意

兩寺今千載三年

又一回因懷長卿
昔曾訪法崇來勝
會久寂寂禪闕自
闔開老兵呼已得
司馬禍誰栽望古
興遙集何妨為酌
杯

靈巖寺再疊前韻

煙霞朝暮傳心印，泉石古今愜性靈。
不二殿旁法松鬱，摩頂松相傳元奘植成雙門外剎竿亭。
風來簷角虛鈴語，春入山

根新水渟。此是色空無著處，作麼更覓梵王形。

再題靈巖寺八景

巢鶴巖

瑞跡原因法定開，胎仙那識去兮來。
層巖或見飛飛者，莫認當年丁令迴。

甘露亭

一例回回山下泉名稱甘露豈徒然法王解灌羣生頂
會否原來在汝邊

卓錫泉

泉如為所錫為能有卓應非最上乘藉問阿誰留此蹟
依稀云是佛圖澄

摩頂松

法師西域返關中弘福譯經闡梵風何涉殿旁摩頂樹

真成野語述齊東

鐵袈裟

鑄鐘弗就袈裟就孰是幻兮孰是常或曰石堅如鐵耳
難持一切問榮將

白雲洞

昔年廻蹕憶登峯疑見仙人馭鹿蹤春曉尚寒且無暇
白雲洞口任他封

雨花巖

弗隨冬謝逐春芳
滿意清涼滿鼻香
更不分疏著與否
較於天女散猶強

愛山樓

高低七景圍山寺
獨喜書樓在小園
更不安名徵故事
色涵無盡意中存

方山歌

久行廣甸思見山
侵尋行入衆山裏
行山未若宿山逸
宿山況是山最美
山方宛似碧玉符
帝付東皇俾掌此

熊旒奕奕鎮齊疆
蘊寫靈泉為玉水
是時峯頂春雲起
零雲縵縵流成綺
幕松鋪谷下有無巖
齋響像難容擬
為霖信好雪亦佳
麥隴崇朝潤千里

駐蹕方山再疊前韻

南北靈巖若合符
一般佛宇足遨娛
由來在此即言此
何必分區有定區
計里而行堪駐矣
闢齋以待豈宜乎
壁間相映朗公石
却是前巡手自圖

寫摩頂松放歌紀事

有序

大唐新話稱摩頂松在靈巖寺為元奘遺跡夫唐
時建都長安元奘發軔自必由彼而取經回譯經
於弘福寺亦今西安地誌乘班班可證於此地無
涉或元奘由此詣長安譯經事畢仍來居此或長
安亦有靈巖寺均不可知此當徐考耳然松既以
摩頂稱即予屢經吟詠何嘗不人謂之松而亦松
之茲欲寫其形則知是柏非松名或可以假藉實
難可與遷就竭爾成詠其亦有戒於斯夫

元英取經摩松頂謂曰將歸當東指因之新話傳靈巖
今看是柏松非是設云後人所傳會種松亦易何為爾
人謂之松亦松之幾度拈吟不可否叶斯地斯事其然
乎姑且置焉徐證耳虬枝東指則誠信佛殿邊旁特孤
峙千年以上歲斯歷玉節金幢入畫理我欲寫形知是
柏顧名為松面先泚松之與柏實易辨尚致淆訛有如
此賢否萬狀目前陳吁嗟鑒別真難矣

寫摩頂松圖成復走筆賦此

松以元奘傳古蹟柏忽居之主遜客謂柏即松松又非
却有柏東枝歷歷謂松即柏柏故是那見五鍼可假借
以訛傳真真已訛真訛是非更滋惑復思太古始製字
柏謂之松松謂柏是非真訛究何辨名循至竟奚實責
擲筆大笑有是哉拘墟戲論終無益

方山夕景

蒼蒼落屏山冥冥暗柏闌蓮葉一室靜梅吐萬幾間
去聲近見疎星綴遙聞幽澗潺今宵有清夢亦祇在民間

聞京師得雪

看麴其雪盼懸胸齊向生雲西北壯濃空負晦晴兩朝度

已聞畿輔六花逢孰非民計心胥念却為去聲目前意鮮

上聲
悰三度蒙陰有奇遇
恭依
皇祖蒙陰積雪詩韻
三次南巡過蒙山均遇雪皆有

庶幾符澤望先顯

賜河東總河李宏

南河久董役

李宏在南河最久由
微員洊至淮徐河道

北省特掄英試小將

投大惟明更要誠固隄綏禹甸輸漕達燕京

河東總督
兼管山東

運河諸務
咨度久安計寧徒扈蹕行

望

岱廟有作

翕河喬嶽例馳香告

祀涓辰遣太常詎止一時脩故典都緣萬姓籲

明慶配

天作鎮欽

神德

廟中扁曰配

皇祖御書
天作鎮與地無疆祝

懿祥漢柏輪困嘉蔭下春風曾憶小徜徉

過泰山六依

皇祖詩韻

祇合登山小天下便當觀海恣源頭已看嶽嶽雲霞俯
未了青青齊魯浮嶺別陰陽分作郡星明角亢照為州
逮今六度賡

元韻為有峯巔

聖蹟留

大嶺隆崇自叅漢衆峯拱揖若駢頭春朝又覩神霄矗
佳氣忽來馬首浮憶昔

豫遊臻上界至今樂利溥東州千秋欲問登臨者幾箇
能如杜句留

四賢祠行館作

平陽弗愧先生席孫復守道願居弟子行石介原魯雅欽曾

造第孔道輔翼之不合竟同堂胡瑗威儀一代巾將履俎豆

千秋梓與桑何必於傷行館築斯之未信祇傍徨

正月晦日馬上口號

階堦落盡過正月恰與行程日日消
歡喜民情真美景
底須故事舉唐朝

過汶河

冰解中流細春初兩岸高原山派亘
野濟水會資潛麗
日虹翻影輕風縠不濤黔黎迎蹕路
情更切前遭

二疏城詠古並論其事

二疏當日傳東宮移病歸鄉名行崇
論語纔通斯告退

得無師業未全終

賜金共饗不遺留達語原為早見流或識孝元本庸懦
逸歸奇禍免蕭周

纔授魯論及孝經五年師席告歸聽爾時何致千金賜
紀載班家信宜寧

嘗謂二疏恬退固屬高行然以實蹟論之既居教授
東宮之任豈纔通孝經論語即謂已盡吾職而求去
去亦可矣何至帝賜之黃金二十斤太子又賜之五

十斤以兩計之則已逾千兩矣黃金千兩今不易致
且太子安得有五十斤之黃金率以賜未卒業之師
傅哉蓋班史不過欲艷傳其事遂致辭失過當未可
盡信也

二月朔日作

魯甸入侵尋春風六轡琴柳黃意猶淺麥綠望非深又
已消正月了當惜寸陰便宜却今歲仲朔會重臨

至泉林三疊舊作韻

一山陪尾又負尾紀載從來艱確明按轡早知行館近
駐旌剛值曉春晴所嘉東國羣黎樸已有南江大吏迎
四度

安輿奉遊豫同民翹首祝

釐情

橫雲館裏忘機坐

橫雲館為泉林八景之一

那是前過

平聲

及此來最

愛林泉若相候且欣甌研與為陪子云逝者如斯耳回
嘆末由也已哉觸目多成慙愧處敢從勝境恣徜徉

賜山東巡撫崔應階及屬吏食并詩以示志

駐輦有餘暇賜餐聊示恩
法廉誠吏本衣食亦民源
要以聯堂陞勞哉扈輜軒
樸齋供信宿華飾戒從繁

泗水源上作

陪尾多名泉流雲

泉名

此其最乳竇淙靈脈成池
匯衆派

其清鑒毛髮其甘擬沆瀣
水藻經冬活梳為錦繡帶
石子鋪底勻訝作珠瑣碎
我來凡四度每度殊神會
春風憑曲欄滿目生清快
遐思子在川末由嘆又喟

坐橫雲館得句

負尾一拳石之多叢生古木殊駢羅曲廊團團闔月戶
中有雲館棲青螺玩水不足玩山屋知樂仁樂同清淑
何當膚寸蔚英英為雨潤資南畝俟

四題泉林行宮八景

近聖居

泉林豈是泛林泉聖蹟昭如雲漢懸雖未奠芹臨曲阜
西瞻近矣倍顚然

在川虜

靈滌乳竇泗之源川上宣尼昔有言逝者如斯恒不舍
如斯不逝亦恒存

鏡瀾榭

鏡空弗設妍媸見照者妍媸自彼身設向周書尋切已
不於斯監要於民

橫雲館

靈境由來迴出羣山嵐川雷相入聲氤氲澤民解作東郊

雨龍井那誇一片雲

九曲約

板橋九轉接溪涯
溪裏新蒲發凍荄
屨步莫嫌頻中矩
越因曲折致偏佳

柳煙坡

窄地柔絲若弗勝
雅宜澹蕩晚煙凝
協時祇合觀生意
王氏詩情底用稱

古蔭堂

鬱蔥古杞盤嘉陰翠覆書堂甌研閒致我畢然集逸思
去聲安能捐讓見其間

紅雨亭

昌條春曉未剪榮神解還因靜賞生既有芳菲須爛漫
曾非想像漫題名

于公宅詠古

東海有孝婦獄因姑女寃于公爭弗得太守竟殺旃以
此闔郡中枯旱致三年後別太守至于公為具言立祭

表其墓大雨乃穫田先是治門閭公令高容軒謂已多
陰德子孫興必傳定國果封侯他事姑弗論但論孝婦
事弗能無疑焉旱甚民受困太守追誅虔以一殃億萬
皇天必不然讀史鮮卓識目迷隨馬遷好奇繆如是永
言砭厥偏

望蒙山三疊舊韻

將謂其劣昔歲同

前三度經此
皆遇雪有詩

不期孤望此行中山姿

雖是分明見麥色偏憐塵土蒙
晷畫懶看平野景吹雲

厭作落崖風亦知過閨遲節令及早心希利稽功

過古鄴城詠事

千取百焉亦已多不厭不奪竟操戈幾先要在慎名器
尾大徒勞歎若何

萬松山駐蹕

前巡傳蹕茲駐蹕為去聲愛蒼松欲久陪白月喜於踈處

度清風時自杪間來小軒早是臨高置懸牖偏宜向遠
開我本不希學仙者而何遊涉宛蓬萊

萬松山行館即事禱詠

松

底論三鍼與五鍼盤虬撐蓋總嘉陰本來不藉時人種
箇箇擎枝聳十尋

栢

有松那可獨無栢恰似夷齊弟與兄落落庭前正相對
便先憂者也怡情

迎

逌以縈紆乃致佳脩篁錯植護書齋一時點筆促成詠
不道暢懷道欲懷

窓

下俯橫溪遠見山坐遊領要謝躋攀南來大吏咨詢罷
是日兩江總督大學士尹繼善等來迎召見問政務恰合消茲片晌閒

廊

齋旁軒側接迴廊各有雲窓俯下方屨步其間如讀書
一時莫辨孰倪黃

石

突兀玲瓏各闢奇
高低位置雅相宜
盡心用此勤民務
吾不憂無賢有司

梅

盆椿消息遞江南
三五踈英清且馥
故里原稱何水部
欲因摘藻却先慙

月

半彎新月又窓前
研潔甌香伴靜便
一宿底須費爾許

越因適已意怍然

題萬松山壯軒

壯軒殊不遙平地履數武據榻忽下視訝在霄漢宇彷彿近縈帶蒙山遠卷戶山峙與河流豈不自千古熾然有去來詎識安心所

暖

春光臨仲月地勢進東南總屬向暄去寧須數上聲節探征裘換細毳客路緩輕轡喜在芳郊望麥苗綠意繁

鴈

南來早識吳江暖
北去先傳太液春
蕭蕭橫空清送響
曾笑他思發羨詩人

鴈廬夜雨

二月初五日

雲陰便思雪
獲否尚疑然
何幸逢春雨
真資潤大田
披寒一廬永
聽響半宵連
為想明朝路
芳郊景異前

晴四首

晚煙輕泮欲開晴
潤浥東郊啓蹕旌
三寸已霑不致濤

農夫行路兩怡情

麥隴南來已發青
香含宿雨濕溟溟
愛他平野珠光綴
日照風翻無定形

似此春霖遇豈多
老農村外笑婆娑
傳宣大吏馳郵問
迤北霑膏究若何

雨潤日暄恰適宜
柳條黃染露珠垂
分明一段江南景

借與人間二六時

明日即入
江南境

郊子園疊舊作韻

茲尚程郊境昔猶少皞墟鳥官荅問遠塗蓋論傾餘述
古真班爾居今又駐予數間雖樸若一宿豈煩諸苔砌
訝如許芸編伴所於摘吟排日有右史可同書

入江南境

雨霽仲春初榮驄却輦興瞻依從衆願

長途雖御輦每榮馬則

民得遂瞻依趨隨幾至萬人亦盛事也

呵禁戒相於

弗令侍衛呵禁羣情益喜竟集鞭鐙左右

笑麥露含平壟柳煙護遠墟劃圻各迎送分野異青徐

民望真憐彼

江浙之民望幸者多

河防益厘予入疆欣幸者氣象

較前舒

淮徐向為瘠土每歲被災通年疏濬六塘水有所歸幸逢連歲有收民間氣象較前畧蘇為之

欣幸

四依

皇祖示江南大小諸吏韻

士不談王道或致笑樵樾而況任保障民瘼應細剖繫
予巡江國三年隔未久入疆古有慶要務安黔首漢良
二千石召父與杜母政不在催科心惟籌畎畝揚徽彼
居前繼美誰當後其司水土臣金隄在鞏守文武縱殊

途和衷貴相友前度示訓言已勒琬琰壽膺韻重申意
實踐毋虛負

度永濟橋再疊舊韻作歌

長橋卧波如虹迤中泓有水旁無水夏秋淫潦藉此消
前人建議所由起其如六塘填闕多重臣命徃悉心視

湖水由橋下注為六塘河河中向多淤埂夏秋漲水宣
洩不暢輒漫及田廬前經臨籌度命大學士劉統勲
等上下履勘定議濬
壅培隄俾資利導
土水合穰俾別導大禁淤田侵河

裏責成則各有司存

六塘舊無專駐之員土人侵占河
淤莫知節制又尾閭橫經鹽河商

利蓄而民利消啓閉所關綦鉅自前巡增設
總緩從事
牘壩且簡廳員移駐董事章程始為可守

將罪爾三年以來頗見效秋禾未致為波毀下民清問
較前蘇乃知事在人經理臨斯上祗切惻瘼善斯後莫
懷矜恃此去淮黃審所行兩言敬畏常銘以

六塘河疊舊作韻

治水無奇術要當使歸海駱馬之下游厥有六塘在疏
斯受利益於斯受危殆而何久因循弗謀更張改往勘
命諸臣事在壬午載地利相機宜民瘼救吝悔僉同亟

舉役肯作道謀待映咽與濬通卑薄與培倍鹽河置閘
壩節宣有定楮自茲潦歸壑耕犁得興乃力田免水患
民自以不怠近歲頗穫収閭閻象熙愷詎予獨斷臧實
藉羣言採

順河集行館疊舊作韻

橋過永濟不多程行館西鄰宿預城數字瓦房樸非舊

周圍布帳制如營

南米行館率簡樸非宮殿比至此處則益令從約內則數字外列布帳為

同廬仍如行營之制

柳絲牆外搖還弱蘭朵階前馥以榮到處懋

勤供研匣捨斯何用遣閒情

題馬遠雪景

縑地傳南宋芸香滿幅吹六花飄未止萬嶂迴如夷旅

客橋頭踏漁翁蓑上披河中獨妙處不必置然疑

是幅多經

裝裱名已裁去然玩其精神筆墨非馬遠不辦的像真蹟

暖

陰晦便涼晴便暖江南風氣早曾諳不知香雪能相待

開到盆椿十已三

順河集行館詠盆梅疊舊作韻

借問時巡奚所重，蓋在觀民與課吏。餘暇風物亦因探，
綠柳紅桃豈留意。言花其必屬寒梅，恰見枝頭數英綴。
前度曾無一朵開，拂紙為寫含苞致。今來乃放十之三，
是則色香標淨味。擱筆詎闕欲藏拙，我於无咎得其義。
非因遊蜂解神韻，幾以野梅遭頻置。獨不見粉白黛綠，
盡精工乃有時人與深契。

賜江南總督大學士尹繼善

綸扉昨已命和羹江國仍資扈蹕行明代稱賢必王守仁

石永漢家推盛則韋賢平當封疆幾處皆時望旌節卅

年獨老成亦識心殷依止關待宣入閣贊樞衡

賜協辦大學士刑部尚書仍管江蘇巡撫莊有恭

重教任蘇撫近復擢秋卿豈不輕車藉要資法網平蹕

塗暫留扈翰幄自歸并

莊有恭早官侍從歷典封疆昨謝陞刑部尚書摺深以仍趨侍

內廷為喜德政吳松在何曾讓畢亨

明畢亨開吳松江大惠民前年莊有恭亦奏請

疏治蘇松湖
泖圩蕩各工

涼

一夜濃雲時細雨
曉陰涼頓生
爾許迴憶昨午欲脫裘
其暄瞥眼歸何所
江國暄涼幻若斯
人情寧獨無有之
輔相左右胥吾事
詎惟問景恒吟詩

過宿遷縣

大隄臨運水宿預過名城煙火隔隄庶倉箱際歲身殷
勤詢吏治親切愛民情花柳遲何礙寧因攬勝行

隄上四首

淮北由來本瘠土六塘疏治起耕畬
迎鑾萬姓休稱頌
為汝宵衣尚慙如

累跡摩肩隄上鋪果看氣象較前蘇
寧徒云慰軍吾事
駢疊恩綸有後圖

夾隄栽柳為

去聲

河防

河兵例於隄內外種柳以供下槌之用

高下成行護

野塘却是春風不相讓輕搖絲縷半薰黃

大隄內外麥菁蔥食接青黃跂望中
趨覲萬民畧塵埃
恰欣細雨潤濛濛

過仰化集自警

榮馬重過仰化集因之返已深長思三年必世斯已歷

風醇俗美夫何時長官宣訓有典故

每月朔望有司宣聖諭廣訓者

庶環集祇聽以廣教化著在令甲

家喻戶曉誠難其設曰程督俾盡力

矯枉恐益騷擾滋神禹惜陰乃敏德大舜南面臻無為
富猶艱致教豈易顧名安得不忸怩

降旨免宿遷等四縣本年正賦十分之五詩以誌

事

憶我三番曾過此滿目民艱恫瘝視蠲租加賑不少靳
究亦無能瘡痍起壬午之歲博咨訪畧覺其中恙源委
因之疏剔六塘河果然潦退堪耕耜人事盡而

天貺隨連歲秋收皆穫美茲來殊覺大改觀憑輿歷覽
心生喜戶有蓋歲育雞豚衣鮮上聲樓裂瞻婦子不灾不

賑奚所加究欲加恩念無已因思時巡免正供十分之
三常例耳數縣瘠土應倍憐益二至五斯可矣留有餘
用蘇郊簷減一半惟投縣輒佇看元氣復閭閻庶協以

休以助理

雨

二月初十日

雲容兩日密鋪空
曉霧旋霏細雨濛
故識江南此易致
却思移澤遍齊東

賜江南大小諸吏食因示志

負弩概勞勤肆筵洽衆欣聯情交泰
陞霈澤叶需雲

是日

值雨因各賜帛為霑衣也
後樂吾猶惕先憂誰共分
患鮮端有要所

望莫孤殷

清河道中襍詠

夜雨達晨曉未晴大隄以上御車行山東塵土江南寧
轉眼如人無定情

迎鑾黎庶聚猶多雨裏那曾笠與蓑愛敬真如子於父
可無惠保計如何

御營將近忽開晴隔岸清河見故城遺跡元明籍可按
孰非保障為民生

和門近對運河濱來往誰何禁不申暫過風帆信如畫

明朝也是畫中人

閱中河

東西悉屢更惟此協中行

聖制利千古

中河視所定

利賴無窮

時巡仰

大成黃河南匯近汶水壯分清擬命溯洄舫詳觀濟運

情向來南巡返蹕皆遵陸今年命由水路御舟而還欲以觀運河節宣情形亦要務也

楊莊牖四依

皇祖詩韻

通漕北南千里餘審形建牖俾紆徐臨黃最以斯為近
虔覃節宣計漫踈

仲春遲日靄晴絲玉馬觀民轡緩移疊跡摩肩繼瞻就
不訶七萃早羣知

渡黃河六韻

雨霽物熙春風恬波靜淪綵棚叩

靈瀆

渡河時有司於北岸具綵棚為躬祀
河神之所瓣香展敬始登舟徑渡

畫舫發通津

惠濟

祠名瞻前見

慈寧奉四巡安瀾一川喜彼岸片時臻

天意昭恩佑人情愜愛親自維何以荅勤政與仁民

惠濟祠

河畔崇祠金碧煌渡河瞻禮敬誠將代

天專佑今考古行地昭靈清興黃利涉往來賴

神貺升香楮帛籲民康敢云

錫羨由昭假慎德惟殷勵不遑

觀清口出水誌疊舊作韻

審悉洪澤患率緣清口壅東西東兩壩惟留一壑送此
固具深意蓄清敵黃縱所以靳拆壩亦半惜費計然其
勢既盛又當權輕重何必恃五壩高堰盡處設仁義禮智信五壩以為洪湖
尾閘之洩俗所謂天然壩也一過水而下河無不被災之理向屢有詩云有尾閘供久度

聲畧知要欲救為魚痛獨斷示機宜初不資紛訟尺寸

慎詳計

每壩口水誌增長一尺即令清口拆開十丈準是為式然後上下節宣歲無贏縮

拆收

在敬用河臣奉此榮年來豫留空五壩未過水韋哉言
偶中計其拆收費帑金數萬動下河連年收曾弗驚浚

洵損益多少間昭然知者衆觀民與觀河豈可辭倥偬
隄上相咨詢珠勒轡緩控株守亦非佳推行貴錯綜苟
其利吾民慰哉奚勞頌

過清口觀木龍六韻

清口乘舟渡木龍欲審觀誠非虛費帑

建一木龍計費至萬金

果

見有淤灘閱罷西涯戀泛迴東岸歡

渡清口而西緣隄閱視木龍四悉其

掛於情形因相度河勢於陶莊積土相對處諭河臣添建木龍一具俾益收挑溜之用事畢旋艤西涯之民有戀意而東岸之民益歡迎何曾嚴蹕路竟是近隨鞍韋不為民畏由

來以子看河工謀保障安得弗心殫

木龍示總河高晉作

積土陶莊勢久成逼黃恐致漸侵清曰斌重舉木龍製

此宋陳堯佐法高斌效而為之汝晉仍於沙渚營南漲壯坍雖有效巡前

相度清口允高晉請添建木龍以資利導兩載以來南岸新漲灘二百六十餘丈北岸刷去舊淤一百四十餘丈護工挑溜已著成效揚湯止沸可無驚河工艱一勞永逸補罅

期輸爾我誠

御製詩三集卷四十五